

Sterrestelsel Swerwers – PNHS Revue 2019

Gedagtes omsom met sterre en 'n melkweg vol hoop. 'n Dromer en 'n realis wat op die wolke loop. Sterrestelsel Swerwers is hul kreet, 'n revue-groep wat PNHS nooit sal vergeet.

PNHS se revue het vanjaar besluit om hulle horisonne te verbreed. Buiten vir die Sterrestelsel Swerwers-tema, het hulle vir die eerste keer aan 'n melkweg vol kompetisies deelgeneem. Hulle het op verskeie terreine uitgeblink waar hul hoogte prestasies 'n A++ en medalje wenner is, wat hul by die Kunsvereniging Kunswedstryd ontvang het. Hulle het ook by die Kaleidoskope kompetisie sowel as die Revue Championships na die finale rondte, waar slegs vyf skole gekies word, deurgedring. Hul stap weg met die titel as gunsteling nuweling wat elke Swerwer laat blink van trots.

Tydens hul optrede by die Wonderliggiefees, word die revue-groep toegejuig en aangespoor deur menigte PNHS-leerders sowel as die gemeenskap. Hierdie daad sluit aan by die tema wat dit duidelik maak dat daar vir elke leerder geleentheid by PNHS is en dat ons ten alle tye as 'n span saam staan.

Die groep sal ook hul televisie debuut op 25 Oktober 2019 maak, waar hul deelneem aan die Dans In Jou Taal kompetisie wat by Carnival City geskied. Hierdie optrede sal lateraan op kanaal 146 uitgesaai word.

Hulle passie en toewyding word bewonder omrede die groep alreeds vroeg in Februarie begin met hul voorbereiding en enduit elke gehoor laat juig met hul ritmiese bewegings, moderne kostuums en fenomenale rekwisiete.

Uiteindelik het die tyd gekom om terug te keer, die Sterrestelsel Swerwers, groet vir die laaste keer. Tussen die sterre het hul gedans en sing – watter reis gaan die toekoms vir die Swerwers bring?

Optredes:		
Datum	Kompetisie	Prestasie
19 Julie 2019	Noorderkruinkunstefees	A+
27 Julie 2019	Tshwane Jeug Kunstefees	Spesiale uitnodiging
2 Augustus 2019	8Beats	Algeheel vierde
13 Augustus 2019 + 29 Augustus 2019	Kaleidoskope	Dring deur na finaal, algeheel vierde
15 Augustus 2019	PNNK	Gaskunstenaar
16 Augustus 2019	Kulturfees	Spoggeleentheid
19 Augustus 2019	Kunsvereniging	A++, Medaljewenners
30 Augustus 2019 + 31 Augustus 2019	Revue Championships	Dring deur na finaal, Beste nuweling
5 September 2019	Wonderliggiefees	Gaskunstenaar
25 Oktober 2019	Dans In Jou Taal	Televisie opname